

IMAQARNILIAQ Kommunalbestyrelsi 21-11-2023

Ulloq ataatsimiiffissaq Tirsdag 21. november 2023 kl. 15:00

Ataatsimiiffissaq Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Sinniisussat allattorsimaffianni allassimajunnaarallarnissaq.....	8
Kangillinnguit Atuarfianni nakkutilliinermiit nalunaarusiaq.....	10
Sunngiffimmi atuartsineq 2023-2024.....	14
Meeqquvinnut utaqquisut pillugit ilisimatitsissut 2023-mi kvartalit pingajuat.....	17
Nuummi akunnittarfiit inissisimaffii.....	21
2024-mut missingersuutiniik aappasaaneerinnineq.....	25
Qinigaaffiup sinneranut politikkikkut ataatsimiiffissat.....	30
2024-mi suliat pitsaassusissaata allaaserineqarneri.....	32
40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersis	36
Angallanneq pillugu Siunnersuisooqatigiinnik pilersitsineq.....	39
Kuummiini iliveqarfiup allilerneqarnissaanut siunnersuut.....	42
Tasiilap immikkut kommuninngorsinnaanera pillugu innuttaasut taasitinneqarnissaannik siunnersu	45
Takornariartitsinermik suliallit nunaminertamik atuinerat pillugu ileqqoreqqusassatut siunnersu...	48
Lukket.....	51
Lukket.....	52
Imaqarniliap akuerineqarnera.....	53

IMMIKKOORTOQ .: Saqqaa

Ilaasortat

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Doris J. Jensen (S)
Ken Madsen (N)
Emanuel Nûko (N)
Storm Ludvigsen

Beslutning

Ataatsimeeqataasut:

Avaaraq Olsen (IA)
Charlotte Ludvigsen (IA)
Juaaka Lyberth (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Justus Hansen (D)
Poul Petersen (D)
Dorthe-Marie Mogensen-Fontain (S)
Peter Davidsen (S)
Laura Táunâjik Uitsatikitseq (S)
Dines Mikaelson (S)
Doris J. Jensen (S)
Ken Madsen (N)
Storm Ludvigsen

Attaveqaatitigut peqataavoq:

Harald Bianco (IA)
Mala Høy Kûko (S)
Emanuel Nûko (N)

Ataatsimeeqataasinnaanatik nalunaartut:

Uju Petersen (IA)

IMMIKKOORTOQ .: Oqaluuserisassat akuerineqarneri

Beslutning

Oqaluuserisassat akuersissutigineqarput, imatut allannguutitalerlugit: Immikkoortoq 12 Siumumit kinguartinneqarpoq.

IMMIKKOORTOQ .: Nalunaarutit

Beslutning

Borgmester Avaaraq Olsen-p nalunaarutai:

Piffissami oktobarip ulluisa pingajuanniit novembarip ulluisa arfineq-aappaannut:

- 5/10: Kommune Qeqertalimmi ataatsimiititaliamik ataatsimeeqateqarneq
- 12/10: Illoqarfimmik kusassaanissaq pingaarnertut eqqartorniarlugu Kultureqarnermut immikkoortortaarfimmik oqaloqatigiinnertalimmik pisuttuaqateqarneq
- 17/10: NAKUUSA - Meeqqat ataatsimeersuarnert - Katuami ammaanersiornermi oqalugiarnaq
- 17/10: Meeqqanut Atuarfeqarnermullu Ingerlatsiviup aamma Kalaallit Nunaanni Timersoqatigiit Kattuffiata akornanni suleqatigiinnissamik isumaqatigiisummik atsioqatigiinneq
- 18-24/10: Arctic Circle Assembly aamma suliamut atatillugu Reykjavikimiinneq
- 25/10: Kulturitta siuarsarneqarnissaa pillugu Siunnersuisooqatigiit ataatsimeeqatiginerat - Aningaasaateqarfik Sermeq
- 25/10: Piujuartitsineq pillugu apeqqarissaarfiginninnermut peqataaneq
- 30/10: Missingersuutit pillugit isumaqatiginninniarnaq
- 31/10: Ataatsimiititat, kommunalbestyrelse immikkut ittumik ataatsimiipput, meeqqerivinnut tunngasut qitiutillugit ataatsimut immikkut ittumik sammisaqarneq
- 3/11: 2024-mi ataatsimoortumik tapiissutit pillugit inaarutaasumik isumaqatigiisuteqarnissamut Aningaasaqarnermut Akileraartarnermullu Naalakkersuisoqarfimmi ataatsimeeqateqarneq
- 6/11: Peqqissutsimut tunngasuni suleqatigiinnissamut isumaqatigiisut pillugu tunngaviummik aalajangeriarnissamut Peqqissutsimut Naalakkersuisoq Agathe Fontainimik ataatsimeeqateqarneq
- 8/11: Greenland Science Week pillugu ataatsimiinnermi oqalugiarnaq kiisalu ilassinninnermi qaaqqusineq
- 9/11: IMAK-imi siulittaasunngortumik ataatsimeeqateqarneq
- 14/11: Sustainable Now-imik killiffik pillugu ukiumoortumik ataatsimiinnermi peqataaneq

- 16/11: Kofoeds Skolemi atuartunik naapitsineq
- 17/11: Mittarfittaaq pillugu isumasioqatigiinnermi peqataaneq aamma kommunaldirektørilu saqqummiineq
- 17/11: Nuussuarmi eqqumiitsuliamik nutaamik, ”Colours of Nuussuaq”, saqqummersitsinermi oqalugiarneq

Inoqarfinnut Avatangiisunullu Ataatsimiititami siulittaasup Juaaka Lybeth-p nalunaarutai:

Aputaajaaneq

Aputaajaasalernissamut piareersarpugut. Aputaajaasartussanik isumaqatigiissut nutarterneqarpoq innuttaasullu namminneq aputaajaasussaanerit pillugu aviisitigut paasissutissiineq ingerlanneqarpoq.

Kangerlukasik Avannarlermi kommunip puttasui

Kommunip puttasui pitsaajunnaarsimapput anorersuarnerinilu kingullerni sulijooqusernerulersimallutik. Puttasooq ataaseq arlallilluunniit kivisisinnaanissaat aarlerigineqarsimavoq. Tamanna tunngavigalugu aaqqiissuteqarallarnissamik ingerlatsivik ulapputeqarpoq, taamaalillutik kommunip puttasuisa ilai ukiornissaanut immamiiginnarsinnaaniassammata. Taamaattumik ikaartarfiup qaavi pingasut Bådeforeningimit pisiarineqarput, maannalu Kangerlukasik Avannarlermi immamut inissinneqarlutik ikaartarfiit ajoqusernikut taarserlugit. Ataavartumik aaqqiissuteqartoqarnissaa saniatigut sulissutigineqarpoq piffissamilu sanaartorfiusussami atuutilissasut naatsorsuutigineqarpoq.

Illoqarfimmik Ineriartortitsinermit Sanaartormullu Ataatsimiititami siulittaasup Justus Hansen-p nalunaarutai:

Niels Hammekenip Aqquataani illut 10-t pilersaarutitut sananeqarnissaannik qinnuteqaat

Innuttaasut marluk Niels Hammekenip Aqquataani illut 10-t sananeqarnissaannut pilersaarutitut qinnuteqaat pillugu Ataatsimiititami siulittaasumik ataatsimeeqateqarusussimapput. Illoqarfimmik Ineriartortitsinermit Sanaartormullu Ataatsimiititami siulittaasooq innuttaasunik taakkuninnga marlunnik ataatsimeeqateqarpoq. Ataatsimiinnermi innuttaasut taakkua marluk pilersaarutitut qinnuteqaat erumassutigalugu aamma akerleralugu oqaaseqarput, pingaartumik pilersaarusiortifigineqartup sukisaarsarfittut iluatinnaateqartut isumaqarfialugu. Ataatsimiititami siulittaasup innuttaasut tusarnaarpai nalunaarfialugillu erumassutaat pilersaarutitut qinnuteqaatigineqartup suliarineqarnissaanut ilanngunneqarumaartut.

Ulluunerani paaqqinnittarfik nutaaq meeqqerivik nutaaq Q7

Ulluunerani paaqqinnittarfik nutaaq tallimangornermi novembarip ulluisa 24-anni pisortatigoortumik ammaanersiorneqassaaq.

Arctic byg Aps akiliisinnaajunnaartutut nalunaarutigineqarpoq

Sanaartormermik sulialik Arctic byg Aps akiliisinnaajunnaartutut nalunaarutigineqarpoq. Tamanna Paamiuni pilersaarutitut, Atuarfimmik kommunillu allaffianut sunniuteqartussaavoq. Pisariaqartut aallartippavut kuratorimut/nakkutiginnittumut attaveqarpugut akiliisinnaajunnaartumut allanullu tunngatillugu.

Ataatsimiititap Tromsømut angalanera

Sanarfinermut Avatangiisunullu Ataatsimiititap /Illoqarfimmik Ineriartortitsinermit Ataatsimiititap Norgemi Tromsømut paasisassarsiorlutik angalapput. Ilaatigut Tromsø Kommune arlaleriarlugu, Tromsø Havn ataasiarlugu ataatsimeeqatigineqarput kiisalu suliffeqarfimmik pulaartoqarpoq tassani puttasunik sanasartoq pulaarneqarmat.

Meeqqanut Ilaqutariinnut Atuarfeqarnermullu Ataatsimiititami siulittaasup Poul Petersen-p nalunaarutai:

- Meeqqanut Ilaqutariinnullu Ingerlatsivimmi novembarip ulluisa 15-iat aallarnerfigalugu pisortamik nutaamik atorfinitsitsisoqarpoq
- Isumaginninnermit Aqutsisoqarfimmit Nuummi sullissisunut tamanut sapaatip-akunnerini 48-mi aamma 49-mi pikkorissaasoqassaaq (Kinguaassiuutitigut innarliisoqartillugu sulianik isumaginnittarneq pillugu pikkorissarneq)
- Komponentimit inissiinnermit tunngasut sulijooqusernikut, misissuinerullu ukioq manna naammassineqarnissaa naatsorsuutigineqarpoq.

- Illoqarfiup qeqqani ukioqatigiinngitsunut meeqquerivik nutaaq novembarip ulluisa 22-anni pisortatigoortumik ammaanersiorneqassaaq, atissaalu tamanut suaarutigineqassaaq novembarip ulluisa 24-anni.
- §-71 naapertorlugu nakkutilliineq, Tupaarnami septembarimi 2023 pulaarneq pillugu nalunaarusiaq misissortinniarlugu nassiunneqarpoq, apeqqutillu ataasiakkaanik paasinninissamut tunngasut ilanngullugit. Nalunaarusiaq inaarutaasoq saqqummiunneqarpat ataatsimiititaq sukumiinerusumik paasitinneqassaaq.

Suliffeqarnermut Inuussutissarsiornermullu Ataatsimiititimi siulittaasup Inge Olsvig Brandt-p nalunaarutai:

Inuit innarluutillit pillugit inatsit pillugu workshoppertitsineq

Ingerlatsivimmit Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoqarfimmit aaqqissuunneqartumik inunnt innarluutilinnut inatsit pillugu ulluni marlunni workshoppimut peqataasoqarpoq. Workshoppimi inuit innarluutillit inatsisaannik allannguutissanut isummersuutiniq siullernik katersinissaq siunertarineqarpoq.

Eqikkaanertalimmik pikkorissarneq: Suliffissaaleqisunut ikiorsiissutit aamma pisortat ikiorsiissutaat pillugit inatsit

Ingerlatsivimmi sulisut suliffissaaleqisunut ikiorsiissutit aamma pisortat ikiorsiissutaat pillugit inatsimmut atatillugu sulisussat ukioq kingulleq pikkorissarsimangitsut eqikkaanertalimmik pikkorissartinneqarput. Tassani inatsit nutaaq qanoq aqunneqassanersoq eqqartorneqarpoq, pissutigalugu inatsisip atuutilernissaa ilisimaneqartutut arlaleriarlugu kinguartinneqarmat.

Kommunimi suliffeqarnermut immikkoortumut pilersaarutip aallartinnissaanut tusarniaaneq

Ingerlatsivimmit suliffeqarnermut immikkoortumut pilersaarut suliarineqarpoq, kommunalbestyrelsip suliffissaqartitsineq pillugu politikkiata nutaap erseqqissarnissaanut atuutsilersinnissaanullu ilaasussaq. Siullernik kommunimi immikkoortortaqarfiit immikkoortumut pilersaarummik eqqugaasussat tusarniaaffigineqartussaapput. Tasiilami innuttaasunik ataatsimiisitsisoqareerpoq, Nuummilu Paamiunilu 2024-p aallartinnerani innuttaasunik ataatsimiisitsisoqassaaq, taamatuttaaq suliffissaqartitsineq pillugu immikkoortumut pilersaarut Kommuneqarfiga-mi saqqummiunneqassaaq.

Suliffeqarnermut Isumaginninnermullu Ingerlatsivimmit kommunimi utoqqarnut tamanut apersuilluni immersuiffissanik nassiunneqarpoq

Utoqqaat pillugit Siunnersuisooqatigiit aallartitaannut apersuilluni immersuiffissanut siunertaq tassaavoq kommunimi innuttaasut utoqqaat unammilligassaasa pisariaqartitaasalu suussusersinissaat. Suliffeqarnermut Isumaginninnermullu Ingerlatsivimmit naatsorsuutigineqarpoq, misissuineq kommunimi suliniutinut innuttaasut unammilligassaqarfiginerusaannut ukkassinerunissamut ikorfartuutaassasoq. Ingerlatsivimmit akissutit untretlikkuutaat tiguneqareersimapput.

IMMIKKOORTOQ 1: Sinniisussat allattorsimaffianni allassimajunnaarallarnissaq

Beslutning

Ilisimatitsissut tusaatissatut tiguneqarpoq.

Ilanngussat

Siulittaasup aalajangiinera ullulerlugu atsiorneralu

Hans Peter Poulsen sinnerlugu saaffiginnissut

Sinniisussat allattorsimaffianni allassimajunnaarallarnissaq

Siulittaasup aalajangiineranik ilisimatitsissut

Ilisimatitsissut

SagsID.: EMN-2023-04104

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Borgmesterip oktobarip ulluisa 12-ianni siulittaasutut akuersissutigaa, Hans Peter Poulsenip Kommunalbestyrelsimi sinniisussatut atuuffimmit allattorsimaffimmit allassimajunnaarallarnissamik qinnuteqaataa.

Hans Peter Poulsen naalackersuisutut toqqarneqarpoq, Kommuneqarfik Sermersuumilu Siumut sinnerlugu Kommunalbestyrelsimi sinniisussaalluni

Qulaani taaneqartoq piffissami aalajangersimasumi akuerisamik atuussinnaanngikkallarnertut isigineqarpoq, Hans Peter Poulsen-ip Naalackersuisutut atuunnerani sinniisussat allattorsimaffianni allassimajunnaarallartinneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq
- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27. af 28. november 2016-imeersoq

Ilanngussat

1. Siulittaasup aalajangiinera ullulerlugu atsiorneralu
2. Hans Peter Poulsen sinnerlugu saaffiginnissut

IMMIKKOORTOQ 2: Kangillinnguit Atuarfianni nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Ilanngussat

Kangillinnguit Atuarfianni nakkutilliinermi nalunaarusiaq



Kangillinnguit Atuarfianni nakkutilliinermi nalunaarusiaq

Ilisimatitsissut

SagsID.: EMN-2023-01398

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliisussaataitaavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortamit kommunip atuarfiini ukiumut ataasiarluni nakkutilliartortarnissaq siunniunneqarnikuuvoq. Ulloq 20. februaari 2023 Atuarfeqarnermut Immikkoortortaq Kangillinnguit Atuarfiannut Nuummiittumut siumut ilimasaareqqaarluni nakkutilliartorpoq.

Nakkutilliineq tunngavigalugu suliart tunngavigalugit naliliineq tamaat isigalugu atuarfik ingerlalluartuuvoq atuarfimmi aqutsisut peqataatitsisuullutillu ersarissuupput, tamannalu atuartut atugarissaarnerannut toqqissisimanerannullu pitsaasumik sunniuteqarpoq. Atuarfimmi sulisut piginnaasaqarluartuupput, taamaalillutik atuarfimmi atuagarsornikkut angusat misilitsinnermilu inernerit pitsaasuullutik.

Nakkutilliinermi nalunaarusiamiit immikkoortut pingaarnerit ilaat tullinnguuttuni allaqqapput.

Atuartitsissutini angusat

Nuna tamakkerlugu agguaqatigiissillugu inassisimanermit sanilliukkaanni 3. klassit alloriarfimmi misilitsinnerannit atuagarsornikkut angusaat akunnattumiipput, 7. klassillu angusaat qaffasinnerullutik. Taamaattorli 3. klassini alloriarfimmi misilitsinnermit angusat appariartorput, kinguneranillu atuarfimmi aqutsisuniit pitsanngoriartitsinissamik suliniutit arlallit aallartinneqarput. Matumani oqaatsinik pinnguarnermi sammisat naqinnerillu nipaata ilusaallu ukkataralugit sularineqarput. Tamatuma saniatigut matematikkimik atuartitsineq ukkatarineqarpoq, tassanilu atuarfimmi pitsaassutsimik ineriartortitsinermut, matematikkimut akisussaaffiup iluani, immikkut ingerlariaqqiffiusumik ilinniagaqartumik pitsaassutsimik ineriartortitsisoq suliqaartinneqarluni. Atuarfiup aqutsisui alloriarfiit pillugit ataatsimiinnernut, atuartitsinernut ataavartumik peqataasarput kiisalu ukiumut ilikkagassatut pilersaarutini ilikkakat uuttortarneri, ukiup ingerlanerani pilersaarutit kiisalu sap. ak. pilersaarutit misissugarisarlugit.

Nalunaaquttap akunnerinik atuineq

Atuarfimmi ukioq atuarfiusumi 2022/2023-mi nalunaaquttap akunnerinik atuinissamut pilersaarutaasut meeqqat atuarfianni ikinnerpaamik atoqqusaasunut sanilliullugit klassini tamani qaangerneqarsimavoq. Ilinniartitsisut atuartitsinissamut akunnernik atuinissaannik agguataarinermi atuartitsinermut agguataarinissamut tunngavigineqartoq atorneqartarpoq, ilaatigut tassani ilinniartitsisut ataasiakkaat linjefagii, misilittagaat, piginnaasaat aamma atuartitsisarsimanerannit nalilersuinnermit inernerit aallaavigineqarlutik. Nakkutilliinerup nalaani atuarfimmi aqutsisuniit oqaatigineqartoq tassaavoq, ukiup atuarfiusup tullianut atuartitsissutissat pilersaarusiornissaannut skiimaliortartussamik immikkut pisariaqartitsisoqartoq. Atuarfeqarnermut immikkoortortamit



nakkutilliineq tunngavigalugu malinnaavigineqarpoq atuartitsinermit piffissarititaasut tunniunneqartoq malinneqarneris, ilaatigut tassani ukiup atuarfusup 2022/2023-p ilinniartitsisutigit pisariaqartitsinermit misissueqqissaarinermit atuarfimmumt agguataarneqarsimasut tunngavigalugit.

Atuartut naliliiffigineqarneri

Atuartut atuartitsinermit atugarissaartitaanermillu pissarsiaasa ingerlaavartumik tamakkiinerusumillu naliliiffigisarneri atuarfimmi ataqatigiissumik ingerlanneqartarput. Ukiumi atuarfusumi 2022/2023-mi atuartut pissarsiaasa atugarissaarnerisalu naliliiffigineqarneri ilaatigut atuarfimmi sulisut angajoqqaallu akornanni oqaloqatigiinnissaannut tunngaviliisut ukiumut marloriarlugit ingerlanneqarput. Atuartut ilikkalertornissaannut, atuagarsornikkut inuttullu ineriartornerannut angajoqqaat ilinniartitsisullu peqatigalugit iliuusissatut pilersaarusiortoqartarpoq. Atuartut qaammatinik marlunnik akunneqartumik naliliiffigineqartarput taakkulu angusaat Angusakkamik taaneqartut TEA Tabuleximumt toqqortorneqartarput. Taamaattoq Atuarfeqarnermut immikkoortortamiit maluginiarneqarpoq atuartut Angusakka-anni ilassutitut oqaaseqaateqarfigineqartut amerlanngitsut, assersuutigalugu atuartup atuarfimmi sulisarnera kiisalu inuttut inooqataanikkullu ineriartornera allaaserineqarlutik, taamaattumik innersuussutigineqarpoq atuartut Angusakka-asa pitsaassusaat annertusarniarlugit ataasiakkaanik misissuillattaarisoqassasoq.

Atuartut atuanngitsoortarnerat

Nakkutilliinerup nalaani atuartut akuerineqarlutik peqanngittarnerat 4,89 %-imiippoq akuerineqaratillu atuanngitsoortarnerat 1,74 %-imiilluni, tassa ullut atuarfusut 123-t iluini. Tamaat isigalugu immikkut ittumik atuartitat angajulluillu akornanni atuanngitsoortarnerat amerlanerpaapput. Atuanngitsoortarnerit siviluut uteqqiattulluunniit pillugit klasselærerip iliuuseqarfigissallugit aamma atuartup, angajoqqaat/angajoqqaatut akisuussaasut ilinniartitsisoqatigiillu akornanni ataqatigiissaarinissaq akisussaaffigaa. Immikkut ittumik pisoqartillugu atuarfimmi aqutsisut akulerutsinneqarsinnaapputaaq. Atuarfimmi atuartut atuanngitsoortarnerat pillugu ullup affaani perorsaanermut tunngasumik ingerlatsisoqarpoq.

Ilinniartitsisut sulinnngittarnerat

Ilinniartitsisut sulinnngitsoortarnerat 13,2 %-imiippoq tamannalu Atuarfeqarnermut immikkoortortamit ernummatigineqarpoq. Sulinnngitsoornerpassuit ataasiakkaanik siviluut napparsimasarnermik peqquteqarsinnaagaluartut napparsimalluni sulinnngitsoortarnerit amerlammata Atuarfeqarnermut immikkoortortamiit innersuussutigineqarpoq ilinniartitsisut sulinnngitsoortarnerat appartinniarneqassasoq.

Atuartut siunnersuisoqatigiivi

Atuarfik elevrådeqarpoq elevrådillu ilinniartitsisumik attaveqaateqarput ataatsimiittarnissaannut pilersaarutinik sammisassanullu akisussaasumik. Klassit tamarmik elevrådimi aallartitaqarput qaammammullu ataasiarlutik ataatsimiittarput.

Inissatigut atugassarititaasut

2022-mi novembarip qaammataata aallartinnerani atuarfimmi klassit ilaanni ikuallattoqarpoq. Tamatuma kingunerisaanik atuarfimmi inip iluarsartuunneqarnera pissutaalluni inissanik amigaateqartoqalerpoq. Klassit arlallit 26-nik atuartoqarput klassillu taamaalillutik angissusaat klassip ilua silaannarilluassappat pissusissamisooratik. Taamaattumik Atuarfeqarnermut immikkoortortamiit innersuussutigineqarpoq klassit atuartunut 26-nut inissaqassusaat annertusarniarlugit periarfissat misissorneqarnissaat pissasoq.

Allat



10. klassimi atuartut ilaat 10. klassimi atuareernerup kingorna ilinniakkamik aallartittanngikkunik suliffeqalersarput, taakkulu 90 %-it sinnilaarlugit amerlatigipput. Atuartut amerlanerpaat 10. klassip kingornatigut ilinnialertartut Danmarkimi efterskolimi aallartittarput (38,5%) GUX-imilu (23%).

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siusinnerusukkut aalajangiineq

Meeqqanut Atuarfeqarnermullu Ataatsimiititaq 25.10.23:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq 07.11.23:

Ilisimatitsissut tusaatissatut tiguneqarpoq.

Ilanngussat

1. Kangillinnguit Atuarfianni nakkutilliinermi nalunaarusiaq

IMMIKKOORTOQ 3: Sunngiffimmi atuartitsineq 2023-2024

Beslutning

Ilisimatitsissut tusaatissatut tiguneqarpoq.

Ilanngussat

Sunngiffimmi atuartitsinerit takussutissaat



Sunngiffimmi atuartsineq 2023-2024

Ilisimatitsissut

SagsID: EMN-2023-03975

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Kulturikkut ingerlatsineq sunngiffimmiu sammisaqartitsineq pillugit Inatsisartut peqqussutaat naapertorlugu Meeqqanut Atuarfeqarnermullu ingerlatsiviup matumuuna saqqummiuppa, kommune tamakkerlugu meeqqanut inersimasunullu sunngiffimmi atuartsinermit pilersaarut pillugu ilisimatitsissut.

Meeqqanut inersimasunullu sunngiffimmi atuartsinerit septembarip ulluisa 11-iani 2023-mi aallartinneqarput, ingerlanneqassallutillu 2024-mi marsip naanissaata tungaanut.

Neqeroorutit tamarmik speedadmin-imiipput, online-ikkut nalunaarfissaq. Kommuneqarfik Sermersuup nittartagaani linki atorlugu speedadmin-mut isertoqarsinnaavoq, tassanilu fagit neqeroorutaasut takuneqarsinnaapput, nalunaarnissamullu linkeqarluni.

Ilanngussani qulequttanut ilanngunneqarsimasunut innersuussilluni oqaatigineqarsinnaavoq, makkunani neqerooruteqartoqartoq:

- Paamiut meeqqanut inersimasunullu holdinik ukioq nutaaq aallartippat aallartitoqassaaq, ukioq manna aningaasat atugassiissutaasut atoreermata
- Ittoqqortoormiit meeqqanut holdit sisamat
- Nuuk meeqqanut holdit 19 - inersimasunut holdit arfineq marluk
- Tasiilaq meeqqanut holdit pingasut
- Sermiligaaq meeqqanut holdi ataaseq
- Tiilerilaaq meeqqanut holdi ataaseq

Susasaqartitsinermit immikkoortortamit ataavartumik inoqarfinni tamani holdiliortoqarsinnaanersoq misissorneqartarpoq. Atuartsisussarsiorarneq ilungersunartuusarpoq, minnerunngitsumik inoqarfinni mikinerusuni. Holdit aallartittussat suli ilaqarput, taakkuli suli inissivinnatik.

Nuummi holdit linkimi takuneqarsinnaapput:

<https://glsermersooq.speedadmin.dk/registration#/courselist/140>

Ingerlatsivimmit aningaasatigut sulisoqarnikkullu naliliinerit

Sunngiffimmi atuartsisarnerit immikkut kontoqarput konto siunertaq (formål) 0801010000

Sunngiffimmi atuartsineq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit



- Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr 5, 6 maj 2016-imeersoq.

Siusinnerusukku aalajangiineq

Meeqqanut Atuarfeqarnermullu Ataatsimiititaq 25.10.23:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq 07.11.23:

Ilisimatitsissut tusaatissatut tiguneqarpoq.

Ilanngussat

1. Sunngiffimmi atuartitsinerit takussutissaat

IMMIKKOORTOQ 4: Meeqgerivinnut utaqqisut pillugit ilisimatitsissut 2023-mi kvartalit pingajuat

Beslutning

Ilisimatitsissut tusaatissatut tiguneqarpoq.

Meeqqerivinnut utaqqisut pillugit ilisimatitsissut 2023-mi kvartalit pingajuat

Ilisimatitsissut

SagsID.: EMN-2023-03645

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelsip utaqqisut allattorsimaffiannik pilersitsinissaq pisussaaffigaa. Utaqqisut allattorsimaffii aamma kommunip atuareersunut paaqqinniffiini atuupput.

Takussutissiaq 1-imi ataaniittumi takuneqarsinnaavoq Kommuneqarfik Sermersuumi oktobarip ulluisa sisamaanni 2023-mi ulluunerani neqeroorutitut utaqqisut allattorsimaffiat. Kisitsisit piviusunik takutitsisuupput, imaappoq meeqqat ukiui naapertorlugit ulluunerani neqeroorutiniinnissamut neqerooruteqarfigineqarsinnaasut. Siusinnerusukkut kisitsisini takuneqarsinnaasarpud meeqqat tamarmik utaqqisut allattorsimaffiiniittut, meeqqat allattorsimaffimmut allatsissimasut kisiannili ukiumikkut aallartinnissamut suli piariinngitsut ilanngullugit. Taamaattumik utaqqisut allattorsimaffianni kisitsisit eqqornerusut pissarsiariniarlugit, ingerlatsiviup siunissami ukiumoortumik ilisimatitsissutini kisitsit piviusunik takutitsisut aallaavigisalissavai.

Takussutissiaq Kommuneqarfik Sermersuumi ulluunerani neqeroorutitut 1: utaqqisut allattorsimaffiat ulloq 4. oktobari 2023

Sumiiffik	Meeraaqq erivik	Meeqq erivik	A K O	FR O	Atuareernerup kingorna ornittagaq	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsim affimmi paaqqinnittarneq	Katillugit
Nuuk	49	14	37	27			0	127
Paamiut	0	0			0			0
Tasiilaq	1	1			0			2
Ittoqqortoormiit	0	0			0			0
Kapisillit					0	0		0
Qeqertarsuatsiaat					0	0		0
Arsuk						0		0
Kulusuk						3		3
Tiilerilaaq						2		2
Kuummiit						6		6
Sermiligaaq						3		3
Isertoq						0		0
Katillugit	50	15	37	27	0	14	0	143

Boksip qasertup neqeroorutip sumiiffimmi pineqartumi neqeroorutaannginnera takutipppaa.

Takussutissiami takuneqarsinnaavoq meeqqat 143-t utaqqisut allattorsimaffianniittut, amerlanersaallu 127-t Nuummiittut. Tassa utaqqisut allattorsimaffianni meeqqat allatsissimasut 88%-ii.

Aamma takuneqarsinnaavoq kommunimi meeqqat utaqqisut allattorsimaffiannut allatsissimasut amerlanersaat tassaasut meeraaqqerivinnut allatsissimasut. Utaqqisut allattorsimaffianni meeqqanit 143-nit 50-it meeraaqqerivimmuut utaqqisuupput.

Taava aamma takuneqarsinnaavoq, Nuummi meeqqat 37-t aamma 27-t AKO-nut aammalu FRO-nut utaqqisuniittut.

Meeqqat AKO-nut utaqqisut allattorsimaffianniittut amerlassusaat peqquteqarput pingaartumik, AKO-t tamarmik ataasiakkaarlutik Nuummi atuarfinnut assigiinngitsunut attuumassuteqarmata. Imaappoq, AKO-mi inissaqanngippat, meeqqap atuarfianut attuumassuteqartumi, taava meeraq AKO-mut allamut nuutinneqarsinnaanngilaq, kisiannili utaqqisut allattorsimaffiannut inissinneqassalluni, meeqqap atuarfianut attuumassuteqartumut AKO-mi inissaqalernissaata tungaanut.

FRO-mut utaqqisut allattorsimaffeqarnerannut peqqutaavoq pingaarnertut 2022-mi aalajangerneqarmat Fritidshjemmet Aqqalummi immikkoortoq ataaseq matuneqassasoq tassunga atatillugu inissanik nutaanik arfineq pingasunik immikkut ittunik pisariaqartitsisunut pilersitsisoqarnissaa eqqarsaatigalugu. Tamatuma kingunerisaanik fritidshjemmet Aqqaluup meeqqanut inissaatai 70-iniit 40-nut ikilineqarput, tassa FRO-mi inissat 30-t, AKO/FRO-mi inissanik arfineq pingasunik taarserneqarput. Kisianni misilittakkat malillugit FRO-mi inissat ukiariartornerani nalimmatserertarput, taamaasilluni ukiup atuarfusup sinnerani Nuummi FRO-ni marluusuni inissaqalersarluni.

Ataatsimut isigalugu utaqqisut tamaasa eqqarsaatigalugit utaqqisut allattorsimaffiinnut tunngatillugu, ingerlatsiviup siullermik erseqqissaatigissavaa, utaqqisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allanngorarsinnaasarmata. Ataatsimut isigalugu imaappoq, Nuummi utaqqisut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsivimmit pissutsit assigiinngitsut, Nuummi pingaartumik meeraaqqerivinnut utaqqisunut allattorsimaffiup sooq taamatut isikkoqarnera pillugu, nassuiaataasinnaasut taaneqarsinnaapput. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu ilinniareerlutik Nuummut uteqqittarnerannik pissuteqarsinnaavoq. Tamatuma saniatigut aamma illoqarfiup nalinginnaasumik alliarpornera utaqqisut allattorsimaffiannik annertusaaqataavoq.

Utaqqisut allattorsimaffii pillugit aamma alla pissutaasoq tassaavoq utaqqisut allattorsimaffii ataatsikkut amerlavallaartunik utaqqisuuteqarnerannik arlalitsigut ajornartorsiuteqalersinnaanerat. Tamanna pisarpoq, meeraaqqerivimmi meeraq ataaseq arlallilluunniit, meeqqerivimmuut nuunnissamut piareersimasut, kisiannili meeqqerivimmi inissanik peqanngitsillugu. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqqisut allattorsimaffianniitsinneqartarput allattorsimaffinneereersut inissaannik tigussillutik.

Meeqqanut Atuarfeqarnermullu Ingerlatsivimmit utaqqisut allattorsimaffii qaammatikkaartumik malinnaaffigineqartarput, utaqqisullu allattorsimaffiini allatsissimasut ikilisartuarnissaat

ataavartumik sulissutigineqartarput, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tassunga ilanngullugu aamma Nuummi utaqqisunut allattorsimaffimmiittut ikileriaateqarnissaat Ingerlatsivimmit naatsorsuutigineqarpoq, Nuummi atuarfiup nutaap eqqaani nutaamik ulluunerani paaqqinnittarfiup ammarneqarneratigut. Meeqqerivik nutaaq aallaqqaataani ataatsimut isigalugu meeraaqqerivimmi ininut sisamanut (inissat 48-t) aamma meeqqerivimmi ininut marlunnut (inissat 40-t) inissaqassaaq, piffissallu ingerlanerani meeqqeriviit initai pingasunngussapput meeraaqqeriviillu initai aamma pingasunngussallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq

Siusinnerusukkut aalajangiineq

Meeqqanut Atuarfeqarnermullu Ataatsimiititaq 25.10.23:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq 07.11.23:

Ilisimatitsissut tusaatissatut tiguneqarpoq.

Ilanngussat

Soqanngilaq.

IMMIKKOORTOQ 5: Nuummi akunnittarfiit inissisimaffii

Beslutning

Ilisimatitsissut tusaatissatut tiguneqarpoq.

Ilanngussat

Tusarniaanermut akissutinik suliaqarneq

Tusarniaanermi akissutit tiguneqartut

Nuummi akunnittarfinnut inissiiffissaasinnaasut

Nuummi akunnittarfiit inissisimaffii

Inissisimaffissaannut siunnersuut, innuttaasunik peqataatitsineq ingerlanerlu

Ilisimatitsissut

SagsID.: EMN-2022-09179

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Nuummi akunnittarfiit inissiffissaannut siunnersuummut atatillugu innuttaasunik akuutitsinerup inerneru Sanarfinermut Avatangiisinullu Ingerlatsivimmit matumuuna ilisimatitsissutissatut saqqummiunneqarpoq.

Akunnittarfinnut inissisimaffissatut Kommuneqarfigami siunnersuutigineqartut soqutigisaqaqatigiit assigiinngitsut siunnersuuteqarnerisigut alutornassuseqartutut naleqarneri aamma isertunut misigisaqartitsisinnaaneri minnerunngitsumillu illoqarfirmut ataqatigiissarneqarnissaa tunngavigalugit saqqummiunneqarsimapput. Ingerlatsivimmit erseqqissaatigineqarpoq, takornarialerinerimik ineriartortitsineq illoqarfiup innuttaasullu ineriartortinneqarnerat naapertorlugu pissasoq. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Peqataatitsinermi inissiiffissat arfinillit innuttaasunit Kommuneqarfiga aqqutigalugu isummerfigineqarsinnaasut pineqarput. Ingerlatsivimmi paasineqarpoq, kommunimiit Facebookikkut saqqummiunneqartut innuttaasunit oqaaseqarfigineqarsimasut taakkuli tusarniummut akissutitut tunngasunik ingerlatsivimmi suliqaarnermi ilaatinneqarsinnaanngillat. Kommuneqarfiga aqqutigalugu akissutit 25-upput, taakkunungalugu atatillugu ingerlatsivimmi ima inernilliisoqarluni:

1. Inssiivissatut innuttaasunit piukkunneqarnerpaajupput 3 Samuel Kleinschmidt Aqquataa, 5 Mittarfimmi akunnittarfik aamma 6 Qinngorput
2. 2 Saqqarliit akerliuffigineqarnerpaajuvoq

Akunnittarfiit inissinneqarnissaannut tunngasunik peqataatitsinermut atatillugu innuttaasut tikkuusseqataasinnaapput. Nutaatut inissat tallimat siunnersuutigineqarput, ilaatigut pineqarlutik sumiiffiit arlallit pilersaarutissatut qinnuteqaatinik akuersissuteqarfioersut.

Matuma siuliini pineqartut tunngavigalugit akunnittarfinnik inssiivissat ingerlatsivimmit iluarsiissuteqarfigineqarput (ilannussaq 3)

Sulinerup ingerlateqqinnera

Sulinerup ingerlateqqinnerani Nuummi akunnittarfiutillit attuumassuteqartut soqutigisaqaqatigiillu ataatsimiitinneqassapput. Soqutigisaqaqatigiit tassani periarfissinneqassapput inssiiviusinnaasunik toqqarneqarsimasunik oqaaseqarfiginninnissaminnut kiisalu akunnittarfiuteqarnissamut piukkunnarsinnaasunik sumiiffiusinnaasunik siunnersuuteqarsinnaallutik.

Tamatuma kingorna sumiiffiit pilersaarummut tapiliussaliorfiusinnaasunik ingerlatsivimmi allattuiffiliortoqarsinnaavoq, tassuuna nunaminertanik atorneqariaannaasunik aamma/imaluunniit siunertamut siunissami pilersaaruteqarnermi qinnuteqarfiusinnaasunik nalunaaruteqarsinnaanissaq periarfissaasinnaaqqullugu. Kingullermut tunngatillugu inatsisitigut periarfissaatitsisumik aaqiisoqarnissaa pisariaqassaaq.

Tassungalu ilutigalugu sumiiffinnik ataasiakkaanik suliarinnittoqarnikuuvoq:

Inissisimaffik 4 Tuapannguit isuanni. Pilersaarummut tunngavissamik nutaamik suliaqartoqarpoq, taannalu tamanut tusarniaassutigineqareerpoq. Taamaalilluni nunaminertaq kommunalbestyrelsimit aggustip 29-ani akuerineqariarpat atorneqariaannangortutut saqqummiunneqarsinnaalissaaq.

Inissisimaffik 5 Mittarfimmi akunnittarfik: Pilersaarummut tunngavissamik immikkut suliaqartoqarnikuuvoq, taannalu mittarfiup nalaani akunnittarfiliortoqarsinnaaneranut periarfissaqalersitsivoq. Pilersaarummut tapiliussatut siunnersuut mittarfiliornissamut akuersissummik pigisaqartut suleqatigalugit pivoq. Pilersaarummut tapiliussaq tamanut tusarniutigineqareernermini politikikkut akuersissutigineqassappat nunaminertaq atorneqarsinnaasutut saqqummiunneqassaaq.

Innuttaasunik, soqutigisaqaaqatigiinnik inuussutissarsiutilinnillu peqataatitsineq
Innuttaasut, soqutigisaqaaqatigiit inuussutissarsiortullu illoqarfiup ineriartortinneqarneranut peqataanissaat pingaaruteqarpoq, aamma kommunimi pilersaarusionerme najukkami pissutsit qanoq ittuunersut pillugit ilisimasaqarnissaaq pingaaruteqarpoq. Taamaattumik ingerlatsiviup, siunissami allaffissornikkut sulinermini inissisimaffissat avammut saqqummiunneqarnerinut atatillugu soqutigisaqaaqatigiit ataatsimiitinneqarneritigut peqataatsinerme siunnersuutit tiguneqartut ilanggullugit suliarissavai. Ingerlatsivik politikerinut ilisimatitsillattaassaaq.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliaqarnerme sulisoqarnikkut qanoq sunniuteqarumaarnerannut suliniutit qassit nalilersorneqassanersut apeqqutaassapput siunissamilu ungasinnerusumi kommunimut pilersaarummut tapiliussaliatut suliarineqartassallutik.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerme aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 07.11.23:

Ilisimatitsissut tusaatissatut tiguneqarpoq.



Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Nuummi akunnittarfinnut inissiiffissaasinnaasut

IMMIKKOORTOQ 6: 2024-mut missingersuutinik aappassaaneerinnineq

Beslutning

Inassuteqaat akuersissutigineqarpoq, imatut aqqiisutitalerlugu: inassuteqaatini kingullermi (pind 10) oqaaseqaatigiit imatut naqqinneqarput: "umiarsuit takornariartaatit tikinnerannut atatillugu ilaasumut ataatsimut nunamut niunermut akigititap 50 koruuniunissaa akuersissutigineqassasoq atuutilersinneqarlunilu, Inatsisartuni siunnersuut akuersissutigineqassappat, takuuk ilanngussaq 10"

Ilanngussat

Angusat pillugit takussutissaq

Aningaasaliissuteqartarnerit takussutissartaat

Politikkikkut atorneqarsinnaasunik pingaarnersiuineq

Sanaartugassanut missingersuutit 2024 – 2027

Misissueqqaarnerit

Siunertat allaaserineqarneri 2024

2024-mi akigititanut allattorsimaffik

2024-mi missingersuutit pillugit isumaqatiginninniarnaq

Namminersorlutik Oqartussat nalunaarutaat nr. 57 08.11.2023-meersoq

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit nalunaarut



2024-mut missingersuutini aappassaaneerinnineq

Aalajangiiffigisassaq

SagsID.: EMN-2023-01436

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- angusanut allannguutit tamarmik aamma aningaasalersuinermit takussutissat, takukkit ilanngussat 1 - 2, ataatsimut isigalugit akuersissutigineqassasut
- aningaasat atorneqarsinnaasut politikikkut pingaarnersiorneqarnerat, takuuk ilanngussa 3, ataatsimut isigalugit akuersissutigineqassasut
- sanaartugassanut pilersaarutit tamarmik ataatsimut isigalugit akuersissutigineqassasut, takuuk ilanngussa 4
- misissueqqaarnerit tamarmik ataatsimut isigalugit akuersissutigineqassasut, takuuk ilanngussa 5
- siunertat allaaserineri ataatsimut isigalugit akuersissutigineqassasut, takuuk ilanngussa 6
- akileraarutip procentia 26%-i attanneqarnissaa akuersissutigineqassasooq
- akigitit allattorsimaffii ataatsimut isigalugit akuersissutigineqassasut, takuuk ilanngussa 7
- missingersuutit pillugit isumaqatigiissut tusaatissatut tiguneqassasooq, takuuk ilanngussa 8
- kommunit akileraarutit iluanaarutaanni nikingassutit nalimmassarneqarnissaannut aamma ataatsimoortumik akileraarutit agguataarinermit tapiissutit karsimut immikkoortinneqarnissaat akuersissutigineqassasut, takuuk ilanngussa 9
- umiarsuit takornariartaatit talittarnerannut atatillugu ilaasumut ataatsimut akigititaq 50 koruunit akuersissutigineqassasooq atuutilersinneqassasorlu, Inatsisartuni siunnersuut akuersissutigineqassappat, takuuk ilanngussa 10

Suliassamik saqqummiussineq

Allaffeqarfik Aningaasaqarnermut Inuussutissarsiornermullu Ataatsimiititap 2024-2027-mut inaarutaasumik missingersuusiorderannut atatillugu arlalinnik allagaqarpoq suliassat saqqummiussissummut matumunnga ilanngunneqartunik.

Allakkat ataatsimut Aningaasaqarnermut Inuussutissarsiornermullu Ataatsimiititamit 2024-2027-mut Missingersuutissatut siunnersuutaapput, ulloq 30. oktobari 2023-imi missingersuutit pillugit politikikkut isumaqatiginninniarnermik tunngaveqarlutik.

2024-mut missingersuutini nalinginnaasumik ingerlatsineri 384 mio. koruuninik sinneqartooruteqarpoq, ataatsimullu inernerit sanaartugassanut aningaasaliissutit kingorna 243 mio. koruuninik sinneqartooruteqartoqassaaq, taamalu missingersuutit pillugit inatsimmi aningaasaqarnikkut najoqqutassatut nalunaarutigineqartut naammassineqarlutik.

(mio. kr.)

Missingersuutit	2024	2025	2026	2027
<i>Isertitat</i>	-2.512	-2.532	-2.500	-2.500
<i>Aningaasartuutit</i>	2.105	2.078	2.078	2.078
<i>Ernianut aningaasartuutit</i>	23	51	50	52
<i>Nalinginnaasumik ingerlatsineri angusat</i>	-384	-403	-372	-370
<i>Sanaartornermut aningaasaliinerit</i>	141	219	188	98
<i>Angusat katillugit</i>	-243	-184	-184	-272

Aningaasaliissuteqartarnerit takussutissartaat

<i>Ukiumi sinneqartoorut</i>	-243	-184	-184	-272
------------------------------	-------------	-------------	-------------	-------------



Taarsigassarsineq	-10	-52	-68	0
Inissialionermi				
taarsigassarsititsineq	112	100	100	100
Innuttaasut initaarnissamut				
taarsigassarsiaminnik akiliutaat	-25	-25	-25	-25
Taarsigassarsianut akilersuutit	12	24	25	28
Ingerlatseqatigiiffiit				
aningsaasaataannut				
aningsaasaliissutit	11	31	11	
Aningsaasaatit tigoriaannaat				
allanngornerat	-143	-107	-142	-169

Taamaalilluni 2024-mut missingersuutini ataatsimut inernerit kingunerisaanik karsimiittuutit patajaallisarneqarnissaannut 143 mio. koruunit immikkoortinneqarsinnaallutik.

2024-mut missingersuutini 20 mio. koruuninik ukiup missingersuusiorfiup ingerlanerani aningsaasaqarnikkut unammilligassaqaratarnissaanut ingerlatsinermut sillimmatit ilanngunneqarput, tamatuma saniatigut 25 mio. koruuninik sanaartugassanut aningsaasaliissutit pillugit aningsaasaqarnikkut unammilligassaqaratarnissaanut sanaartugassanut sillimmatinik immikkoortitsisoqarpoq.

Namminersorlutik Oqartussat 8. novembari 2023-mi 2024-mut akileraarutitigut nalimmassaanissaq aamma kommunini ataatsimoortumik akileraarutit agguataarneqarnissaa pillugit nalunaarut nassiuppaat. Tassani kommunit akileraarutitigut iluanaarutaannit nikingassutit nalimmassarneqarnissaannut aamma ataatsimut kommuninut akileraarutit, innuttaasumut ataatsimut, agguataarneqarnissaannut 2024-mi kommuninut tapiissutit takuneqarsinnaapput. Tamanna Kommuneqarfik Sermersuumut ukioq 2024-mi katillugit 49.200.000 koruuninik isertitat amerlinerannik kinguneqassaaq. Missingersuutitigut inatsimmi aningsaasaqarnikkut najoqqutassatut nalunaarutigineqarsimasut kommunimit malinneqarnissaat pillugu isertitat pineqartut karsimut immikkoortinneqartariaqarput.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi §21 naapertorlugu ukiumoortumik missingersuutissat kommunalbestyrelsimi minnerpaamik sapaatip-akunnerisa marluk akornanni marloriarlugit suliarineqassapput.

Missingersuutit siullermeerneqarput Kommunalbestyrelsip oktobarip ulluisa pingajuanni 2023-imi ataatsimiinnerani, taavalu aappassaaneerneqassallutik novembarip ulluisa 21-anni 2023-mi.

Ataatsimoortumik angusat aamma aningsaasalersuinissamut takussutissami ilaatigut missingersuutissatut siunnersuutit arlallit Kommunalbestyrelsimi 2024-mut missingersuutit siullermeerlugit suliarineqarneranni akuerineqartut ilaapput, ilaatigullu missingersuutit pillugit siunnersuutit politikikkut pingaarnersiukkat arlalissuit kingorna tiguneqarput, soorlu ilanngussaaq 3-mi takuneqarsinnaasutut.

Suliassamik saqqummiussami matumani ilanngussat tassaapput angusat pillugit takussutissaaq, aningsaasaliissutit pillugit takussutissaaq, sanaartugassanut missingersuutit, akigititanik allannguutit aamma aappassaaneerinninnissamut politikikkut pingaarnersiukkat tamakkiisut, taakkulu kommunip 2024 - 2027-mut ataatsimut missingersuutissarivai.

Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Namminersorlutik Oqartussanit siunnersuut saqqummiunneqarpoq. Tamatumunnga atatillugu kommune ukioq manna kingusinnerpaamik decembarip aallaqqaataani akigititanik "ilaasunut akileraarummik" taaneqartumik atuutilersitsissanerluni kiisalu sumi atuutissanersoq pillugit nalunaareersimassaaq.



Akigititap annertussusaa nalunaarutigineqartoq ilaasumut ataatsimut tikinnermut ataatsimut annerpaamik 50 koruuniussaaq. Kommunit allat sisamaasut aammattaaq "ilaasunut akileraarummik" 50 koruunimik akileraaruteqartitsisarnissartik kissaatigaat.

Akileraarut taamaallaat sumiiffinni kommunip Namminersorlutik Oqartussanut nalunaarsugaani takornariaqarnermik tapersersuinermit siuarsaanermullu atorneqassaaq, kiisalu takornariaqarnerup kingunerluutigisinnaasaanik pinngitsoortitsiniaanermut atorneqarluni. Immikkoortut sumiiffiit kommunip toqqagaasa avataaniittut, takornariaqarnerup annertusinerani sunnerneqarunik, akileraarutinit isertitanik aamma iluaquteqarsinnaapput.

Akileraarutinit isertitat ilaatigut, assersuutigalugu umiarsualiviup, talittarfiup, puttasut allallu, imaluunniit sineriammi pinngortitamiluunniit ornigarneqakkajuttartut eqqaanni, isersimaarfinnik imaluunniit perusuersartarfinnik atortorissaarutinilluunniit pitsaaliuinermit, aserfallatsaaliuinermit sanaartormermulluunniit atorneqarsinnaapput.

Tamanna kommunip siunissami isertitaanut sunniuteqassammat 2024-mut missingersuutit pillugit suliamut aalajangerneq ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Missingersuutit aqutsinermit atugassaapput, matumanilu allaffeqarfimmit politikerinillu missingersuutit, tassunga ilanngullugit imarisai piunasaqaatillu ilaasut, tutsuigineqarnissaat pisariaqarpoq. Maanna missingersuutit siunnersuut saqqummiunneqartoq sukumiisumik suliarineqarsimasutut, tunngavilersorluagaasutut aamma pissutsit piviusut misissueqqissaarnerillu tunngavigineqartut ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut Kiffartuussivik suliamut uunga pineqartumut susassaqtuugami.

Inatsisitigut tunngavissaq allakkallu tunngaviusumik uppersaartillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermit ileqqoreqqusat
- Kommuneqarfik Sermersuumi 2024-mut missingersuusiornermut malittarisassat
- Kommuneqarfik Sermersuumut piginnaatitsinermit agguataarinissamut pilersaarut

Siusinnerusukkat aalajangernerit

Aningaasaqarnermut Inuusutissarsiornermullu Ataatsimiititaq, 07.11.23:
Inassuteqaat akuersissutigineqarpoq.

Ilanngussat

1. Angusat pillugit takussutissaaq
2. Aningaasaliissuteqartarnerit takussutissartaat
3. Politikkikkut atorneqarsinnaasunik pingaarnersiuneq
4. Sanaartugassanut missingersuutit 2024 – 2027
5. Misissueqqaarnerit
6. Siunertat allaaserineqarneri 2024
7. 2024-mi akigititanut allattorsimaffik
8. 2024-mi missingersuutit pillugit isumaqatiginninniarnaq
9. Namminersorlutik Oqartussat nalunaarutaat nr. 57 08.11.2023-meersoq
10. Umiarsualivimmiinnermut aamma umiarsuit takornarianik angallassissutit ilaasunik



angallassinerannut akileraarutit pillugit nalunaarut

IMMIKKOORTOQ 7: Qinigaaffiup sinneranut politikkikkut ataatsimiiffissat

Beslutning

Inassuteqaat akuersissutigineqarpoq, imatut allannguutitalerlugu: Kommunalbestyrelsip ataatsimiinneri nalunaaqutaq ataatsimut (13.00) allartittassapput.

Ilanngussat

Qinigaaffiup sinneranut politikkikkut ataatsimiiffissatut siunnersuutit

Qinigaaffiup sinneranut politikikkut ataatsimiiffissat

Aalajangiiffigisassaq

SagsID: EMN-2023-04389

Suliffeqarfimmut Kiffartuussivik – kommunaldirektøri Ole Jakobsen /OJAK

Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

- qinigaaffiup sinneranut ataatsimiiffissat akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Kommunalbestyrelsip marlungornikkut nal. 12.00. ataatsimiittarnissaa siunnersuutigineqarpoq. 2024-mi ileqquusumik ataatsimiinnerit arfineq marluk ingerlanneqassapput. Kommunalbestyrelsip naliginnaasumik marlungornikkut ataatsimiinnissaa sioqqullugu Kommunalbestyrelse ataasinngornikkut immikkut sammisaqartarpoq.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

Qinigaaffiup sinneranut politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimnulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Qinigaaffiup sinneranut politikikkut ataatsimiiffissatut siunnersuutit

IMMIKKOORTOQ 8: 2024-mi suliat pitsaassusissaata allaaserineqarneri

Beslutning

Inassuteqaat akuersissutigineqarpoq.

Ilanngussat

2024-mi Suliat pitsaassusissaata allaaserineqarneri



2024-mi suliat pitsaassusissaata allaaserineqarneri

Aalajangiiffigisassaq

SagsID.: EMN-2022-09490

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

- 2024-mi suliat pitsaassusissaata allaaserineqarneri akuersissutigineqassasut

Suliassamik saqqummiussineq

Suliat pitsaassusissaata allaaserineqarneri ukiut tamaasa nutarterneqartassapput politikikkikullu akuerineqarlutik. Suliat pitsaassusissaata allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat pitsaassusissaata allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutisillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinermi najoqqutassiaallutik.

Aaqqiissutissatut siunnersuut – suliatigut naliliineq

2023-mi suliat pitsaassusissaata allaaserineqarnerinut ilanngussaartoqarpoq. Tulliuttuni aaqqiissutit pingaarnerit allaaserineqarput.

Paasissutissat nalinginnaasut

- Toqusimasup pigisaanut eqqartuussivikkoortinneqartussanut toqqorsivimmik atuneq kommunip pigisaani utoqqaat illuini, utoqqaat najugaqatigiiffiini, najugaqatigiiffinni aamma najugaqatigiiffinni illersugaasuni ikiorsiinerup annertussusiatut ilanngunneqarpoq. Toqusimasup pigisaanut eqqartuussivikkoortinneqartussanut toqqorsivik aatsaat atorneqartassaaq pisuni, toqusup ilaqutaasa ini qimanneqartoq piffissaagallartillugu imaarlugulu iluarsaassimangippassuk. Taamaattoqartillugu tamatigut paaqqutarinniffimmi aqutsisuusumit nalileneqartassaaq, toqusimasup pigisaanut eqqartuussivikkoortinneqartussanut toqqorsivik atorneqassanersoq. Tamanna ulloq 29. agusti 2023 Kommunalbestyrelsimut akuersissutigineqarpoq

Utoqqarnik suliassaqaarfik

- Aallaaviatigut innuttaasut utoqqarnut inunnullu innarluutilinnut naleqquttumik inissiamik pissarsissunneqannginnermini kommunimi sivikinnerpaamik ukiuni marlunni najugaqarsimassaaq Innuttaasut allani najugallit kommunimut adressiminnik nuutsisarsimapput, allami najugaqaraluarlutik utoqqaat illuanni najugaqalernissamat utaaqqisunut allattorsimaffimmi imaluunnit innarluutilinnut naleqqussakkamat nuukkumasunik. Allannguummi uani kommunimi namminerme innuttaasut tulleriiaarinermi neqeroorummut siulliunneqartassapput
- Innuttaasut piartortut, imaluunniit immikkut ittumik anniarnaveersaatinik pisariaqartitsisut, utoqqaat illuini, utoqqaat najugaqatigiiffiini imaluunniit oqilisaassinermi inissamik tunineqarsinnaanngillat, utoqqaat illuini isumalluutit pisariaqartinneqartut

- pigineqanngimmata imaluunnit inatsisitigut immikkut ittumik napparsimasunut anniarnaveersaatiniq passussinissamik piginnaatinneqannginneq pissutaalluni
- Innuttaasut, uumasunit ajoqutaasunit angerlarsimaffii eqqugaasut, angerlarsimaffimminni ikiortimik pissarsisinnaanngillat, aatsaat uumasut ajoqutaasut nungusarneqareerpata. Innuttaasoq nammineerluni uumasut ajoqutaasut pillugit inissiatileqatigiiffimmut saaffiginnissaaq, tassungalu inniminniilluni
- Sullissinerit arlallit ilanngunneqarnikuupput, innuttaasut angerlarsimaffimmi ikiorneqarnermik pissarsiffigisinnaasaat, uani ilanngullugit
 - o Quumut katersuissummik imaarsineq, allakkanut nakkartitsisarfirmik imaarsineq, ilaalu ilanngullugit
 - o Innuttaasunut pisariaqartitsisunut akeqanngitsumik inersimasut nangiinik atugassiisoqarsinnaavoq
 - o Innuttaasunut eqqaamaniarnikkut ajornartorsiuteqartunut nakorsaataasivimmik tunniussisoqarsinnaavoq
 - o Kommuni Nuup avataani illoqarfinni nunaqarfinnilu angerlarsimaffimmi ikiorteqartitsinermi pisariaqartillugu sullissinerit pisianik aamma errorsisarfirmi errortanik angallassinerit ilanngunneqarput
- Nuummi angerlarsimaffimmi peqqissaasup sullissinerisa ilai angerlarsimaffimmi ikiortinit tigunneqarnikuupput, uani ilanngullugit stomi salinneranut ikiunneq, aap naqitsineranik uuttortaaneq ilaalu ilanngullugit
- Innuttaasut, inoqutigiinni najugaqaqataasut, inoqutigiinni ataaseq arlallilluunniit illumik eqqiaasinnaasut, eqqiaanermik sullissisoqarsinnaanngillat. Tamatuma naligivaattaq aputaajaanissamik sullissinermi piumasaqaat
- Innuttaasunut sammisasaqartitsivimmut innersuunneqarsimasunut tamanut biiliutsilluni aaneqarneq/angerlaanneqarneq akeeruppoq. Tamanna Suliffeqarnermut Isumaginninnermullu Ataatsimiititami siulittaasumit 2023-mi januaarimi akuersissutigineqarpoq

Inunnut innarluutilinnut aamma tarnimikkut innarluutilinnut tunngasut

- Killiffimmik nalunaarusiat aamma ikorfartortimit nalunaarusiat, sulisut aamma paaqqinniffiit suliamillu sullissisut akornanni paarlaaqatigiittarnermi annertunerusumik atorneqarnissaat ukkatarineqartariaqarpoq
- Meeqqanik suliassaqarfimmi sungiusartinneqartussanik nalilersuilluni tulleriaarisinnaatitaaneq allanngortinneqarpoq meeqqanik suliassaqarfimmi innarluutilinnik sullissisunit timimik sungiusaasunut suleqatigiinnut nuunneqarami, eqqortumik sungiusaanissamat suliatigut ilisimasat piginnaasallu timimik sungiusaasuni suleqatigiinniimmata

Oqartussaaffeqarfik

- Unnuisarfirmik atuisunut piumasaqaatit annertusineqarput, uku ilanngullugit:
 - o Atuisut ataatsimiinneranni peqataasussaataaneq
 - o Innuttaasup angerlarsimaffeqanngitsut unnuisarfiannut saaffiginninnermi siullermi atuinermut isumaqatigiissut atuarlugulu atsiussavaa
 - o Unnuisarfirmik atuisut iliuusissatut pilersaarummik suliaqarnissamat aggersarneqartassapput, tassungalu takkunnissaq pisussaataaffigaat
- Misiligutitut inissiat pillugit suliat pitsaassusissaata allaaserineqarnerat ilanngunneqarnikuuvoq
- Inissiat katitertakkat aamma angerlarsimaffeqarnissamat misiligutitut atorneqarnerat inooqataanissamat piginnaasassanik sungiusaanerlu tassaapput sullissinerit ilaatinneqartut



Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput. Suliat pitsaassusissaata allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Ingerlatsivimmit aningaasatigut sulisoqarnikkullu naliliinerit

Suliat pitsaassusissaata allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiillit

- Suliat pitsaassusaata allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

Siusinnerusukkut aalajangiineq

Suliffeqarnermut Isumaginninnermullu Ataatsimiititaq 1.11.23:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 07.11.23:

Inassuteqaat akuersissutigineqarpoq.

Ilanngussat

1. 2024-mi Suliat pitsaassusissaata allaaserineqarneri

IMMIKKOORTOQ 9: 40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersissutigineqarnera


Beslutning

Inassuteqaat akuersissutigineqarpoq.

Ilanngussat

Immikkoortup ilaanut 40E2-mut, Tankeqarfik, pingaarnertut aalajangersakkat

Nutaamik inissinneqarnissaa pillugu KNI-mit qinnuteqaat



SIUNNERSUUTIP TUSARNIUTIGINEQARNERA

1. SAA
2. AIA

AKUERSISSUTIGINNINNEQ

1. SAA
2. AIA
3. KB

40E2 Tankeqarfik, Ittoqqortoormiit, pillugu pingaarnertut aalajangersakkat inaarutaasumik akuersissutigineqarnera

Aalajangiiffigisassaq

SagsID.: EMN-2023-02019

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

- immikkoortup ilaa 40E2-mut Tankeqarfik, Ittoqqortoormiit, pillugu pingaarnertut aalajangersakkat akuersissutigineqassasut

Suliassamik saqqummiussineq

Matumuuna Sanarfinermut Avatangiisinullu Ingerlatsivimmit immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat saqqummiunneqarput. 40E2-mut, Tankeqarfik, Ittoqqortoormiit pillugu aalajangersakkat siunnersuutitut sapaatip-akunnerini arfineq-pingasuni tamanut tusarniaassutigineqarput, piffissami 28.06.23 - 23.08.23. Tusarniaanermi killiliussap iluani akissutinik tigusaqartoqanngilaq.

Ullumikkut immikkoortoq teknikkimik atortulersuutitut atugassaataavoq aamma nunaqarfiup tankeqarfianut atorneqarpoq. Immikkoortup ilaa 40E2 Ittoqqortoormiini kitaata tungaaniippoq, Aalborgvejip eqqaatigut umiarsualiviup uiggiutaani tamannalu 0,7 ha-it missiliorlugit annertussuseqarpoq.

Pingaarnertut aalajangersakkani nutaani immikkoortup teknikkimik atortulersuutitut siunertalinnut atorneqarnissaa aalajangiusimaneqarpoq, immikkoortulli ilaa avannamut killinga annertusitinneqassaaq taamaalilluni immikkoortoq 1,1 ha-itut annertutigilersinneqarluni. Immikkoortup ilaa taamaalilluni nunaqarfiup innaallagissiorfianik, transformatoreqarfimmik gassiisivimmillu peqarpoq tassalu immikkoortup ilaani tassani teknikkimut atortulersuutit ataatsimoortinneqarput.

Qamutitut motorilinnut garagiatut atugassamik haalimik qaarajuttuliornissaq pillugu KNI-miit qinnuteqaat ingerlatsivimmit tiguneqarpoq. Illut marluk (B-231 aamma B-605) Polaroilimit pigineqareersut haalimik qaarajuttuliassatut qinnutigineqartup eqqaaniipput. Haalimik qaarajuttussap inissimaffissaatut kissaatigineqartoq Qanganitsat eqqaanni Qitiusoqarfimmi immikkoortup ilaa 40C2-miippoq, tassanilu pingaarnertut aalajangersakkat atuuttuusut naapertorlugit sanaartorneq inerteqqutaalluni. Siuliani immikkoortup ilaata killeqarfianik allanguinissamut siunnersuutigineqarnerani haali qaarajuttoq immikkoortup ilaani 40E2-mi inissinneqassaaq matumanilu pingaarnertut aalajangersakkat nutaat naapertorlugit sanaartorneqarsinnaanngussalluni. Qinnuteqaat nutaamik inissimaffissatut kissaatitalik ilanngussaq 2-tut ilanngunneqarpoq.

Immikkoortup ilaa 40E2 Tankeqarfik, Ittoqqortoormiit pillugu aalajangersakkat pingaarnertut akuersissutigineqarnerisigut maannakkut pingaarnertut aalajangersakkat atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusionerqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 26.10.23:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 07.11.23:

Inassuteqaat akuersissutigineqarpoq.

Ilanngussat

1. Immikkoortup ilaanut 40E2-mut, Tankeqarfik, pingaarnertut aalajangersakkat
2. Nutaamik inissinneqarnissaa pillugu KNI-mit qinnuteqaat

IMMIKKOORTOQ 10: Angallanneq pillugu Siunnersuisooqatigiinnik pilersitsineq

Beslutning

Inassuteqaat akuersissutigineqarpoq, imatut aaqqiissutitalerlugu: Oqaluuserisassap qulequtaa imatut aaqqinneqarpoq: "Angallanneq pillugu Siunnersuisooqatigiinnut ileqqoreqqusat akuersissutigineqarneri"

Ilanngussat

Angallanneq pillugu siunnersuisooqatigiinnut ileqqoreqqusat



Angallanneq pillugu Siunnersuisooqatigiinnik pilersitsineq

Aalajangiiffigisassaq

SagsID.: EMN-2023-03031

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassutigineqarpoq:

- angallanneq pillugu Siunnersuisooqatigiinnut ilanngussaq 1-imi ileqqoreqqusat akuersissutigineqassasut

Suliassamik saqqummiussineq

2023-mi marsip ulluisa arfernani Kommunalbestyrelsimi ilaasortaq Lone Rosengreen Pedersen (IA) Angallanneq pillugu Siunnersuisooqatigiinnik pilersitsinissaq pillugu aalajangiiffigisassatut siunnersuummik nassiussivoq. Lone Rosengreen Pedersen malillugu Angallanneq pillugu Siunnersuisooqatigiit suliassaqtartunit suliffeqarfiillu attuumassuteqartunit ilaasortaqqassapput. Kommunalbestyrelsip siunnersuut 2023-mi marsip ulluisa 28-anni akuersissutigaa, suliallu misissorneqarnissaa pillugu Sanarfinermut Avatangiisinullu Ingerlatsivimmumt ingerlateqqillugu.

Ingerlatsivimmit Angallanneq pillugu Siunnersuisooqatigiinnut pilersinneqartussamut ileqqoreqqusassatut siunnersuutit suliarineqarput aamma Kalaallit Nunaanni Politiinut aamma Nunatta nakorsaanageranut tusarniaassutigalugu nassiullugu. Sanarfinermut Avatangiisinullu Ingerlatsivik allatsitut atuutissaaq, saniatigullu angallanneq pillugu siunnersuisooqatigiit tallimanik aalajangersimasunik sinniisoqassaaq: Kalaallit Nunaanni Politiit, Kommunimi aqqusinernut oqartussaqqarfik, Kommunimi Pilersaarusiornermut immikkoortortaqqarfik, Kommunimi Upalungaarsimasut aamma Nunatta Nakorsaaneqqarfia. Tamatuma saniatigut immikkoortunik oqaluuserisassanik suliaqtartut attuumassuteqartut siunnersuisooqatigiinnit aggersarneqqassapput, taamaalilluni assersuutigalugu atuarfiup aalajangersimasup eqqaani isumannaatsumik angallannermik isumaginninnissamut tunngatillugu atuarfimmi aqutsisut peqataatinneqqarsinnaapput.

Angallanneq pillugu siunnersuisooqatigiinnik pilersitsinikkut siunissami pisunut ilungersunartunut tunngatillugu annertunerusumik ataqtatigiissaarinissaq nalilersuisarnissallu qulakkeerneqartarnissaat kissaataavoq. Assersuutigalugu ajutoornernut aamma nittaalartalmik anorersuutillugu (tassunga ilanngullugu aqqusinernik matusinerit). Ataqtatigiissaarineq naliliisarnerlu pitsaanagerusooq tunngavigalugit kommune angallannikkut suliassaqqarfimmi pitsaanagerusumik suliniuteqarsinnaalissaaq kiisalu siunissami ilungersunartumik pisoqarnissaanut pinaveersaartitseqataassaaq.

Siunnersuisooqatigiit aalajangersimasumik ataatsimiittarnissaat siunnersuutaavoq, saniatigullu angallannermi ilungersunartumik pisoqartillugu naliliinissamut tamatigut aggersarneqartassapput, taamaalilluni siunissami ilungersunartumik pisoqarnissaa pinaveersaarneqqarniassamat kiisalu nalunaarsuisoqarluni, taakkulu kingorna misissuinernut ataatsimullu isigalugu isumannaallisaanermik suliniuteqarnermut atorneqqarsinnaassapput.

Ileqqoreqqusassatut siunnersuut kommunalbestyrelsimut akuerineqarpat, ingerlariaqqinnissaq tassaassaaq ingerlatsivimmit angallanneq pillugu siunnersuisooqatigiinnik inissitsiterlutik ataatsimiinnissaannut aggersaanissaq aamma ilaasortaataqqarfii ilaasortaataatassaminnik toqqaanissaat.



Ingerlatsivimmit aningaasatigut sulisoqarnikkullu naliliinerit

Angallanneq pillugu siunnersuisooqatigiinnik ingerlatsinermut aningaasartuutit Ingerlatsiviup missingersuutaani pioreersup ataanniissapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-meersoq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 26.10.23:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 07.11.23:

Inassuteqaat akuersissutigineqarpoq.

Ilannussat

1. Angallanneq pillugu siunnersuisooqatigiinnut ileqqoreqqusat

IMMIKKOORTOQ 11: Kuummiini iliveqarfiup allilernerqarnissaanut siunnersuut

Beslutning

Kommunerujussuatsinni iliveqarfiit tamarmiusut allilernerqarnissaat siunertaralugu Sanarfinermut Avatangiisinullu Ingerlatsivimmit misissuinissaq aallartinneqassaaq.

Kuummiini iliveqarfiup allilernerqarnissaanut siunnersuut

Aalajangiiffigisassaq

SagsID.: EMN-2023-04546

Inassuteqaat

Kommunalbestyrelsimi ilaasortamit, Laura Táunâjik Uitsatikitsermit (S), Kommunalbestyrelsimut inassuteqaatigineqarpoq:

- siunnersuut Kommunalbestyrelsimi eqqartorneqassasoq taamatullu suliap ingerlateqqinnissaa aalajangiiffigineqassasoq

Suliassamik saqqummiussineq

Kommunalbestyrelsimi ilaasortaqa Laura Táunâjik Uitsatikitseq (S) oktobarip 25-anni 2023 Kommunalbestyrelsip aalajangiiffigisassaanut siunnersuummik nassiussivoq.

Kommunalbestyrelsimi ilaasortaqa Laura Taunâjik Uitsatikitseq (S) kissaateqarpoq, Kuummiini iliveqarfiup allilernerqarnissaanut periarfissat eqqartorneqassasut.

Tunngavilersuut:

"Kuummiini iliveqarfik ulikkaarluinnaleqqavoq, tamanna unammillernartoqarpoq annertuumik. Iliveqarfimmik alliliinissaq periarfissaanngippat iliveqarfimmik nutaamik pilersitsinissaq tullinnguuppoq.

Iliveqarfeqarneq Namminersorlutik Oqartussat ataaniippoq, taamaattumik susassaqarfiit akimorlugit aaqqiinissamat ujartuinissaq pisariaqarluinnalerpoq.

Ukiuni qaninnerpaani iliveqarfik inissaarulluinnarsimanissaa ilimagineqartariaqarpoq, taamaattumik uani siunnersuutigaaara iliveqarfik allilernerqarnissaa, taamaassinnaanngippallu iliveqarfimmik nutaamik pilersitsinissaq tullinnguuppoq.."

Siunnersuut qanoq aningaasaliiffigineqassava?

Siunnersuuteqartumit erseqqissarneqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaqa kinaluunniit kommunip susassaqarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussat

Soqanngilaq.

IMMIKKOORTOQ 12: Tasiilap immikkut kommuningorsinnaanera pillugu innuttaasut taasitinneqarnissaannik siunnersuut

Beslutning

Siunnersuut kinguartinneqarpoq.

Tasiilap immikkut kommuninngorsinnaanera pillugu innuttaasut taaitinneqarnissaannik siunnersuut

Aalajangiiffigisassaq

SagsID.: EMN-2023-04549

Inassuteqaat

Kommunalbestyrelsimi ilaasortamit Mala Høy Kúkomit (S) Kommunalbestyrelsimut inassuteqaatigineqarpoq:

- siunnersuut Kommunalbestyrelsimi eqqartorneqassasoq taamatullu suliap ingerlateqqinnissaa aalajangiiffigineqassasoq

Suliassamik saqqummiussineq

Kommunalbestyrelsimi ilaasortaqaq Mala Høy Kúko (S) novembarip ulluisa arfineq aappaanni 2023-mi Kommunalbestyrelsimi aalajangiiffigisassatut siunnersuummik nassiussivoq.

Kommunalbestyrelsimi ilaasortamit Mala Høy Kúkomit (S) kissaatigineqarpoq Kommunalbestyrelsip eqqartussagaa Tasiilap immikkut kommuninngortinneqarnissaanik innuttaasut taaitinneqarnissaannik periarfissiisoqarnissaa pillugu.

Tunngavilersuut:

Nutserneqarnera Kommuneqarfik Sermersooq:

"Tasiilaq immikkut kommuniuqunnaarmalli Ukiuni kingullerni arlaqalersuni Tasiilap ineriartornera arlalitsigut unittooqalernikuuvoq. Tamanna arlalippassuartigut innuttaasut assigiinngitsorpasuartigut isummerfigalugu oqaatigiuartalernikuuat.

Tasiilaq imminermi kommunut ingerlagallarmat illoqarfittut kiisalu aamma nunaqarfittaminut ineriartortitsineq naammaginartumik ingerlanikuusimavoq. Allaat tunumi aalisartut piniartullu inuuniutaannik kommuniminni qinikkaninngaanniit malunnartumik kulturikkut qanga siulimik periusersimasaanni ukiorpassuarni aallunneqarsimasunit taperserneqarluarlutik illersorneqartuartarsimapput. Tamannami kommunimi qinikkat pisussaaffittut annertuutut isigalugu akisussaassuseqarluatik ingerlattarsimavaat. Ullumikkullu malunnarsisimaqaaq annertunerusumik illersuisussaarusimasut qanga tunumiut kulturiminnik ingerlatsisusarsimasut. Politikkeriusimasut Tasiilaq imminermi kommuniuqallarnep nalaani illoqarfittut ineriartornissaa pilersaarutaasimasut malillugit ingerlanneqarsimavoq. Tupinnangitsumik pingaartillugu Innuttaasut ilaqutariit, tikeraat suliartortut kiisalu aamma nunaqarfiit illussaqaarniarnissaat aallaavigineqartarsimavoq. Meeqqat pinnguartarfeqarnissaat isumagineqartarsimavoq. Sulisartut namminersortut suliassaqaarnissaat kommunalbestyrelsip pingaartillugu ingerlatarisimavaat. Ajoraluatumillu kommunerujussuannagornitta kingunerisaanik pissutsit allanngorujussuarsimapput, illoqarfiup kiisalu nunaqarfigisaasa ineriartorsimanerigaluat unittuittutut oqaatigineqarsinnaavoq. Illoqarfiup nunaqarfittaasalu ineriartorunnaarnerata kingunerilersimavaa innuttaasut arlaqartut nunartik alliarforfigisimasartik asangaagartik suliffissaqaannginnertik tassa inuussutissarsiornikkut pilersuisinnaajunnaarnermik pissuteqarluatik uummatertik anniartingarlugu aalajangertariaqartarsimapput qimassallugu. Illoqarfinnullu annerusunut periarfissaqaqarnerusunut nuunnissaminnik periarfissittarlutik. Taamatut Tasiilaq kommunerujussuup ataaniitsillugu naammaginangitsumik ineriartorujuginnassappat siunissami naatsorsuutigineqassavoq innuttaasut inuusuttaminnut ilinniarsimassutsikkut naammassigaluarlutik periarfissaasuaneq peqqutaatillugu allanut illoqarfinnut nutsertuarnissaat.

Ukiunimi arlaqalersuni tamanna nunaqqataasut misillerfigereernikuuat sukkaasumik, iliuuseqartoqaanngipallu aamma suli nangittumik nutserneq ingerlanneqassalluni.

Tasiilaq nunaqarfittaani eqqaassagaanni innuttamigut amerlassutsimigut qangangaatsiarli uninnikuupput, nunaqarfittaasa ilai inuerukkiartuarput sukkaasuumik, illorpassuillu inuttassaqaarnatik napasut amerliartorusaaginnarput. Illoqarfiimmi nunaqarfittamigullu ineriartunngitsut suliffissaqartitsinngitsullu innuttamigut amerliartornaviangillat. Tamanna sumiluunniit atuuttuusooq ilisimavarput.

Kisiannili illua tungaani Nuuk qiviassagaanni nutserfigineqarnera ingasattumik pivoq. Tamanna tupinnartuliaanngilarmi innuttamigummi amerlassutsimigut 30 000-nngornissaq anguniagaammat. Sanaartornerujussuaq ingerlanneqarmammi sumi tamaaninngaanniit nutserneq ingerlajuartuuvoq. Taamaammat siunnersuutigaara Tasiilami nunaqarfittaani innuttaasuusut aperineqartariaqartut qanoq illoqarfittut nunaqarfittatillu eqqarsaatigalugit ineriartoqqissagunik immikkut kommuninngoqperusunnarsut.

Tassa politikikkikkut paasisariaqarparput innuttaasuusut Tasiilap eqqaani qanoq kommuninngoqqinnissami takorluugaqarnarsut. Tassa kommunerujussuarmut ataannarusunnarsut imaluunniit imminut kommuninngoqqinnissaminnut tikkuusserusunnarsut. Tamannalu innuttaasut qinersineratigut paasisariaqarparput. Isumaqaarpunga demokrati aqqani innuttaasut periarfissinneqarnissaat isumaqatigineqartariaqartoq. Innuttaasut taasineratigut inernerata takutikkumaarpaa politikkerit alloriarnissap tullianut ingerlaqqinnissaat qanoq ikkumaassanersoq. Tasiilami nunaqarfittaani qineqqusaarnermi kingullermi tamanna annertuumik oqariartuutigalugu innuttaasunut anngunnikuugatsigu.

Neriuppunga siunnersuutigisara kommunimi ilaasortani paasineqarluni isummorsorfigineqartuarumaartoq.

Uani ittoqortoormiut uunga peqataarusunnarsut aperineqarsinnaapput”.

Siunnersuut qanoq aningaasaliiffineqassava?

”Aningaasalersortariaqanngilaq, iluarsartuussisoqarsinnaallunili”.

Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaqaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaqaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq.

Ilanngussat
Soqanngilaq.

IMMIKKOORTOQ 13: Takornariartitsinermik suliallit nunaminertamik atuinerat pillugu ileqqoreqqusassatut siunnersuut

Beslutning

Siunnersuut akuersissutigineqarpoq, suliarlu Nunaannamut pilersaarummut ilanngunneqarnissaa siunertaralugu Sanarfinermut Avatangiisinullu Ingerlatsivimmumt ingerlateqqinneqarluni.

Takornariartitsinermik suliallit nunaminertamik atuinerat pillugu ileqqoreqqusassatut siunnersuut

Aalajangiiffigisassaq

SagsID.: EMN-2023-04547

Inassuteqaat

Kommunalbestyrelsimi ilaasortamit Peter Davidsenimit (S) Kommunalbestyrelsimut inassuteqaatigineqarpoq:

- siunnersuut Kommunalbestyrelsimi oqallisigineqassasoq suliallu ingerlateriaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimi ilaasorta Peter Davidsen (S), ulloq novembarip 7-ianni 2023-mi Kommunalbestyrelsimi aalajangiiffigisassatut siunnersuummik nassiussaqqarpoq.

Kommunalbestyrelsimi ilaasortap Peter Davidsenip (S) kissaatigaa, takornariartitsisartut nunaminertamik atuinnisaat ileqqoreqqusaliorneqarsinnaanera Kommunalbestyrelsimi oqaluuserineqassasoq.

Tunngavilersuut:

Qallunaatuunngortinneqarnera Kommuneqarfik Sermersooq:

"Siunnersuutigaara takornariartitsinermi nunaminertamik atuinerami ileqqoreqqusaliortoqarnissaa, taamatut siunnersuuteqarninnut tunngavilersuutigerusuppara takornariaqarnerup annertusiarerneranut atatillugu nunaminertamik atuneq aaqqissuussaannerusumik aqunneqarsinnaasariaqartoq ileqqoreqqusaqarnikkut.

Piujartitsinissamik tunngavilimmik takornariaqarneq ingerlanneqassappat ineriartortinneqarlunilu pingortitaq (nunaminertamik atuneq), piniariartarfiit, aalisariartarfiit eriagisariaqarpagut aamma atuisussat (takornarialerisut/takornarissat) nalunngittariaqarpaat atuisut (innuttaasut) kommunellu pingaartitaat suunersut malissallugillu, taamaaliornikkut atuneq aqussinnaassagatsigu, tassa ileqqoreqqusaqarnissaaq pisariaqavippoq.

Assersuut; ulloq ataaseq sinnerlugu nunaminertamik atuissagaanni takornarissallu X amerlassuseqarpata taava nunaminertamik atuinissamik qinnuteqartoqassaaq.

(Soorlu aalisartut bundgarnersorfissamik atuiniraangamik aamma qinnuteqartarput.)

Uani ilanngussami atuarneqarsinnaavoq apeqquteqaatiga akissutaalu:

<https://sermersooq.gl/kl/question-answer/kangerluaarsussuarmi-eqalunni-nunaminertamik-atuneq/>

Nunaminertamik atuinissamut piumasaqarsinnaaneq / qinnuteqarsinnaaneq kommunep ataaniimmat kommunalbestyrelse ileqqoreqqusaliorsinnaavoq.

Piujartitsinissamik tunngavilimmik takornariaqarnikkut ineriartortitsinissaaq nunaminertamillu atuinissaaq ileqqoreqqusaqarnikkut ersarissumik atuisussaniit ilisimaneqarnissaa.

Minnerunngitsumillu innuttatta piniariartarfinnik aalisariartarfinnik (eqalunniartarfiit) atuinerat ileqqoreqqusaqarnikkut illersorniarlugu aamma paatsooqatigiinnikkut akerleriinnerit pinngitsoorniarlugit."

Siunnersuut qanoq aningaasaliiffigineqassava?

"Ingerlatsiviup iluani aaqqinneqarsinnaavoq."

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussat

Soqanngilaq.

IMMIKKOORTOQ 14: Lukket

IMMIKKOORTOQ 15: Lukket

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.20.